

গোলদীঘির এইখানটা

না-পাম, না-তাল, না-খেজুর তিনটে গাছ ঠিক পাশাপাশি দাঁড়িয়ে যেন ব্রহ্মা-বিষ্ণু-মহেশ্বর — না, যেন বড়ো-মেজো-সেজো। আর এদের কোলেই গোলদীঘির এইখানটা, যার উত্তর সীমানার মার্কা BAPTIST MISSION-এর B, আর দক্ষিণ সীমানার মার্কা HEADMASTERS ASSOCIATION-এর N। একটা ব্যাডমিন্টন কোর্টের চেয়ে সামান্য বড়ো এইখানটার উত্তরে তিনটে গাছের পাহারা আর দক্ষিণে বাধার নিরেট প্রাচীর যাতে হাত আর কাশে হাতুড়ি পাশাপাশি বছরের পর বছর উঁচিয়ে থাকে।

অথচ এই পাহারা আর বাধার মাঝখানেই কি বিপুল মৃদু, অসীম আনন্দ, অনন্ত উদ্ভাস !

ধরা যাক গাছগুলো তাল ; তাহলে তাদের পাতা হলো তালপাতা ; আর এরা হলো এইখানটার তালপাতার পাঁজি — পাতায় পাতায় লেখা আছে এইখানটার কখন কী, কবে কী। এমন কি পাঁচ দশ বিশ বছর আগে এইখানটার কখন কী, কবে কী — তাও খুঁজে পাওয়া যাবে এই তালপাতার ইয়ার-বদুকে। দেখতে চাও তৌ এসো পুণিয়ার নিশুদিত রাতে যখন মাথার ওপর আশ্রয় একখানা গোল চাঁদের আলোয় — রূপোর পাতের মতো চিকণ পাতায় পাতায় তুমি সমস্তই পড়তে পারবে। পাতা খোলো। কী বেরোলো ?

আষাঢ় মাস ? ঐখন দেখা যাচ্ছে এইখানটায় যতো রাজ্যের ঢিল ঢেলা রাবিশ জঞ্জাল, খোঁচা খোঁচা খাপছাড়া ঘাস আর মানুষ আর কুকুরের টাটকা-বাসি গন্ধের ডেলা, পদুম আর দক্ষিণ দিক জুড়ে পেছাপের ডোবা। ভালো লাগছে না ? বেশ, আবার পাতা ওলটানো।

কী বেরোলো ? চৈত্র মাস ? তবে তো উটপাখির মতো পিচ-গলানো গাড়ি আর কাতারে কাতারে পিচের ড্রাম। দশ-বিশটা নয়, দেড়শো-আড়াইশো। তার মধ্যে আবার তেরোটা ফুটো — কালো থকথকে পিচ বোদে তেতে গলে গদগদ করে গড়াচ্ছে — টের পাওয়া যাবে না এমন চুপি চুপি গড়ায় ওরা। দ্যাখো না, গড়াতে গড়াতে ধরেও ফেলেছে একটা অন্যমনস্ক শব্দে থাকা খয়েরী রোঁয়াওলা মোটাসোটা নেড়ীকুন্তাকে। ঘুম থেকে উঠতে গিয়ে দেখে উঠতে পারছে না, পিঠে কী যেন কামড়ে ধরেছে। জোর করে লেজ মাথা নেড়ে ঝাঁকিয়ে উঠতে গিয়ে কান আর লেজও আটকে গেল। তারপর ডিগবাজি খেয়ে উঠতে গিয়ে, ব্যাস, পা-ও জ্যাম। আর মণ্ডকা পেয়ে পিচ চার হাত বাড়িয়ে কুন্তাকে

আদরে সোহাগে ধরলে— কুস্তা যতোই ছিলে মরুদ, পিচ নাছোড়বান্দা। তারপর সে অ-নে-ক কান্ড— পিচের থেকে পাঁজি পাড়ার ছোঁড়ার— সে আর কী শুনবে— দেখতেই তো পাছো মোড়কেল থেকে অ্যান্ডে খোলাই হয়ে এসে কেমন দাঁব্য ব্ল্যাক-অ্যান্ড-ব্রাউন ক্যালকেশিয়ানটি হয়ে পঠার দোকানের সামনে কঁচিপাঠার শিং চিবোচ্ছে।

চলো, চলো, দেখবে চলো ছেলেটা কেমন খোলা পিচের ড্রামে একটা আখলা-ইঁট ফেলে একমনে দাঁড়িয়ে দাঁড়িয়ে দেখছে কতক্ষণে ইঁটটা পুরো ভুবে যায়। এ ছেলে নিশ্চয়ই পরে বৈজ্ঞানিক কিংবা কবি হবে। আর ঐ যে দেখছে মেয়েটা ভাঙা খুঁস্তি দিয়ে খুঁচিয়ে খুঁচিয়ে পিচ মাটির সরায় তুলে নিয়ে যাচ্ছে বাড়িতে ফুটো বালতি সারাবে বলে— ও বড়ো হয়ে নির্বাণ চোর হবে।

যাঃ পিচের ড্রাম গেল কোথায় ?! সব ফাঁকা— বিলকুল। তবে, তাহলে ?

তাহলে আর কী ! তালপাতার পর্দাখর বারমাস্যায় দেখে নাও কবে আসবে বাঁশের ত্তেকোণা মানুষ-সমান কেয়ারি যা তোমাদের ফুটপাথে ফুটপাথে বনমহোৎসবে লাগানো নিম্ন-অশোক-কৃষ্ণচূড়ার চারাগুলোকে বাঁচাবে। ‘আসবে’ বলা ভুল হলো ; ওরা এখানেই জন্মাবে। প্রথমে আসবে ঠেলা-বোঝাই সবুজ নরম বাঁশ, তারপর দা-কুড়ুল হাতে কারিগর, তারপর তার পেরেক, তারপর জাল। সকাল দুপুর বিকেল ধরে চলবে দুটো কি তিনটে কারিগরের খুঁটখাট ঠুকঠাক। গাছের ছায়ায় বসে একটু একটু করে কাজ করবে আর পুকুরের জলের দিকে তাকিয়ে একটা একটা বিড়ি খাবে, আবার কাজ করবে, আবার বিড়ি খাবে। মনে হবে যেন এরা একমনে তাজমহল গড়ছে। হয়তো ওদের কাছে তাই-ই। তবে কদিন পরে দেখবে দুটো চারটে করে একসময় গোলদাঁঘির এইখানটায় সারি সারি দাঁড়িয়ে গেল ফর্সা ফর্সা টাটকা বাঁশের চকচকে জাল ঘেরা ত্তেকোণা কেয়ারি। কালো কালো গোবদা গোবদা পিচের ড্রামগুলো যেমন বিতর্কিচ্ছিরি, এগুলো তেমনি ফাইন— এতগুলো একজারগায় ভিড় করে রয়েছে অথচ মনে হবে যেন কিছুই নেই।

তারপর সত্যিই একদিন কিছুই নেই। সব হাওয়া। কখন যে কর্পোরেশনের ময়লা-ফেলা গাড়ি সাফসুত্তরো হয়ে এসে কেয়ারিগুলোকে গায়েব করলে টেরই পাওয়া গেল না।

গোলদাঁঘির এইখানটা আবার ফাঁকা। পড়ে রুইলো শুধু বাঁশের কয়েকটা এবড়ো-খেবড়ো গাট আর মচকানো তলতার টুকরো।

কিন্তু ফাঁকা কদিনই বা ! কালও বিকেলে বেড়াতে এসে তুমি ঐ ফাঁকায় সন্ধের ঝোঁকে হিস করে গোছিলে না ? আজ দ্যাখো বালির পাহাড়। একটা নয়, তিন চারটে। আর সেই সংগে দুটো লাল লাল খোয়ার আর কালো কালো গিটির মালভূমি। মাঝে-মাঝে উপত্যকা। আর যে-যার কাজে লেগে গেছে। দশ-বারোরা পর্বতাভিযান শুরুর করে দিয়েছে আর মালভূমি-টু-মালভূমি লংজাম্প। ঐ দ্যাখো ঐ দ্যাখো বালির পাহাড়ের নিচে বসে ক্ষুদ্রে রাজা কেমন দাঁব্য তার দুর্গ বানিয়ে ফেলেছে। আর,

মেয়েদুটো দৃদিক থেকে কেমন একটু একটু করে খুঁড়ে খুঁড়ে এগোচ্ছে টানেল বানাতে বানাতে— বোধহয় ওই টানেল দিয়ে ওদের দেশলাই বাক্সের রেলগাড়ি চলবে।

দাঁড়িয়ে পড়লে তো জলের দিকে পেছন করে রেলিং-এ পিঠ দিয়ে। দাঁড়াও দাঁড়াও ; দ্যাখো দ্যাখো। দেখতেই হবে তোমার গোলদীঘর এইখানটা।

দেখতে দেখতে বর্ষা এসে পড়লো। গোলদীঘর সবচেয়ে উঁচু গাছদুটো— একটা পাম আরেকটা দেবদারু— পাল্লা দিয়ে মেঘ ধরতে বেড়ে চলেছে। মেঘও ধরা দিয়েছে। মেঘ একেবারে ঝুঁকে রয়েছে গাছের মাথায়, আর তিনদিন নাগাড়ে ঝঝঝঝ ঝঝঝঝ। পুকুর ভরলো, পাড় ডুবলো, রাস্তায় থৈ থৈ এক কোমর জল, বার-ভেতর সব একাকার, গোলদীঘর মাছ বংশুম চ্যাটার্জী আর মিজাপুর দিয়ে খেলে বেড়াতে লাগলো— আর, গোলদীঘর এইখানটা জলের তলায় জিরোতে লাগলো।... বৃষ্টি ধরলো একসময়, জল নামলো, গদ-মদ জঞ্জাল সব ধুয়ে সাফ ; প্রথমে চিটাচটে তারপর ঝকঝকে আঙিনা বোরসে পড়লো।

কদিন পরই স্যান্সকট স্কুল থেকে গোলদীঘি দিয়ে দুপুরে টিফন খেতে এসে নীচ থেকেই ভৌদর চৌঁচিয়ে উঠলো “বাপঅ, বাপঅ, খুঁটি এসে গ্যাছে। সাত্য গো, আমি দেখে এলুম খুঁটি এসে গেছে।” “খুঁটি এসে গেছে ?!” বলেই ছুটলুম ছাতে। হ্যাঁ সত্যিই তো, খুঁটি এসে গেছে। লরি থেকে একটা একটা শালকাঠের লম্বা লম্বা খুঁটি নামিয়ে রাখছে পুকুরের রেলিং-এর ধারে। তাহলে আর দেরি নেই!! ছুটে নেমে গেলুম একতলায় প্রেসে। গোপীবাবু কাবাস ঢুলতে ঢুলতে কম্পোজ করছিল, চৌঁচিয়ে উঠলুম— “অ গোপীবাবু, অ কাবাস, হাত চালাও, হাত চালাও, গোলদীঘতে খুঁটি এসে গেল যে! ‘কৌরব’-এর এখনো যে ছ’ ফর্মা বাকি, ‘অভিমান’-এর চার ফর্মা! খুঁটি এসে গেলো, আর পুজোসংখ্যাগুলো বের করবো কবে!” আবার দৌতলায় ছুটে এসে বউকে বলি “ভাগি, অ ভাগি পুজোর আর কতো দেওয়া বাকি বলো তো? তুমি তো বলিছিলে এবার পুজো খরচা আড়াই হাজার লাগবে। কতটা দিয়েছি তোমাকে? অ্যাঁ, এখনও আটশো বাকি! আর এদিকে খুঁটি এসে গেল!! উঃ কী করে যে ম্যানেজ করবো...!” বিকেলে আর-জ-কর থেকে ক্লাশ করে হাজিরা দিতে আসতেই সিঁড়ির মুখেই ঘোষণা করি “ভুটান, খুঁটি এসে গেছে— আরে হ্যাঁ গোলদীঘর প্যান্ডেলের খুঁটি এসে গেছে।”

তারপর গোলদীঘর এইখানটা আশ্তে আশ্তে রবীন্দ্রসদন হয়ে গেলো কিংবা অকাল তখত স্বর্ণমন্দির। সদন? হ্যাঁ সদনই তো— আনন্দ সদন। মন্দির? হ্যাঁ মন্দিরই তো— দুর্গা মন্দির। একমাস ধরে সকাল দুপুর বিকেল সম্বে রাস্তার কেউ না কেউ হাঁ করে মুখ উঁচু করে দাঁড়িয়ে দেখছে চাঁদোয়া কী চেহারা নিচ্ছে, ঝাড় কীভাবে হেঁইয়ো হেঁইয়ো করে ওপরে উঠবে।... তারপর একদিন মাঝরাস্তার দুটো। তিনটের সময় হেঁইয়ো হেঁইয়ো করে যে বার জারগায় উঠে পড়লো রমেণ পালের মা-ছেলে-মেয়েরা।

গদগদ হয়ে টিপ পরে নিলে। মধ্যে মধ্যে সকলের মাথার ওপর দিয়ে হুঁশ করে উড়ে বেরিয়ে যেতো— অমনি গেল গেল রব, হুঁদু-হুঁদু— কিন্তু আবার খানিকপরে সেইরকমই হুঁশ করে ঢুকে পড়ে আবার পেঁচার পাশে পেঁচা বসে পড়তো।

যতই তাক্ লাগুক, কালীপদ্মজোওলাদের মাথায় হাত। প্যান্ডেল খোলা যাচ্ছে না অথচ দেওয়ালী গদুটি গদুটি এসে গেল বলে। যাই হোক সেবার যথাসময়েই যথাবিহিত কালীপদ্মজো হয়েছিল।

কালীপদ্মজো! এই কালীপদ্মজো। সম্মিলিত সার্বজনীন শ্রীশ্রীকালীপদ্মজো, কলেজ স্কোয়ার। অর্থাৎ আবার এলে গোলদীঘর এইখানটার তুমি।

কোজাগরী থেকে দেওয়ালী মাত্র পনেরো দিন। চাঁৎবশ ঘণ্টা কাজ চলে স্বর্ণমন্দির নামানো হলো এবং আকাশবাণী ভবন উঠে দাঁড়ালো। পশ্চিমমুখে দশভুজা দক্ষিণমুখী শ্যামা হলেন যার ‘মাথার সোনার মুকুট ঠেকেছে গগনে’। রামকুমার শ্রীকুমারের স্নরের নক্সা, সবিতারত্নর বুক কাঁপানো ডাকের তুমি সাক্ষী রইলে, শিউরে উঠলো রাত দুটোয় যখন মাইকে গমগম করে উঠলো পার্বতীচরণের ওঁ হুইং খ্রীং দক্ষিণাকালীকায়ৈ নমঃ, ...ওঁ হুইং খ্রীং...ওঁ হুইং খ্রীং। পরম সেই ওৎকারধ্বনি দীপাবলীর আলোয় আলোয় বলমলে আকাশে হাউই-রকেটের ফুল ফোটানোর পাশ দিয়ে দিয়ে ছাড়িয়ে পড়তে লাগলো পাড়ার প্রতিটি বাড়ির প্রতিটি ঘরের প্রতিটি সংসারের নিদ্রিত-জাগ্রত মানুষের মাথায় মাথায় আশীর্বাদের ফুলঝুরি হয়ে। ভোর যখন হয় হয় তখন পদ্মপার্জলি প্রণাম মন্ত্র জয়ন্তী মঙ্গলাকালী ভদ্রকালী কপালিনী উচ্চারিত হলো ঠিক সেই-ই সময় যখন ঠিক একমাস আগে রোডিওয়া ‘বাজলো তোমার আলোর বেগু’।

দাঁড়াও। যেওনা গোলদীঘর এইখানটা থেকে। যদিও-বা যাও, পরের তিনদিন সন্ধ্যারতির সময় এসো। প্রথাসিন্ধ ঘটবিসর্জন পরের দিন যথাযথ হলেও প্রতিমা এখনও কদিন থাকবেন। এসো সন্ধ্যারতিতে। দেখো, যখন ধূনোর ধোঁয়ায় ধোঁয়ায় ভরে যাবে এইখানটা কানন আর দীপকের ধূনুটি নাচের তালে তালে, শ্যামল যখন দুর্বাণ্ডল ধূপ জ্বালিয়ে দু’হাত উঁচু আরও উঁচু করে তুলে ধরবে, রবি আর পার্থ যখন ঢাকির হাত থেকে কাঠি কেড়ে নিয়ে সঠিক পিটে যাবে জোড়া ঢাক, আর শংকর বাজাবে কাঁসি তখন— ঠিক তখনই কালো পাগল মানিক চোখে জল চওড়া পাঞ্জায় দু’হাতে তালি দিয়ে দিয়ে জয় মা জয় মা করে এগোবে আর পেছোবে তখন— ঠিক তখনই তুমি দেখো— দেখতে পাবে— সেই শব্দগন্ধময় কুহেলীর ভেতর এই মূহুর্তে কালীমুখ, এই মূহুর্তে দুর্গামুখ; এই দুর্গামুখ এই কালীমুখ। আশ্চর্য! হ্যাঁ এই আশ্চর্যই তুমি দেখতে পাবে গোলদীঘর এইখানটার।

এ প্যান্ডেলও একদিন খোলা হয়ে যাবে। আঁধার হয়ে থাকবে গোলদীঘর এইখানটা। শূন্য সেই না-পাম, না-তাল, না-খেজুর গাছে ঝুলতে থাকবে নতুন ঘট এক বছরের মেয়াদে।

না, মন খারাপ করার কিছু নেই। কদিন বাদেই মানে মাস দেড়েকের মধ্যেই দেখবে এখানেই ছোট মাপের সামিয়ানা খাটানো হলো আর শূন্য হলো ‘ফুলের-জলসা’। দেখতে চাও তো এসো কতো বড়ো বাঁধাকপি হতে পারে, বড়ো বটগাছ কতো ছোট হতে পারে, কতদিন থাকতে পারে একটা ডালিয়া। বাচ্চাদের হাত ধরে ভেতরে ঘুরে ঘুরে দেখো কোন্ গোলাপ কোন্ চন্দ্রমালিকা কোন্ প্রাইজ পেলে। চার-পাঁচদিনের বেশী এ-জলসা চলবে না ; তার মধ্যেই এসো কিস্তি।

হ্যাঁ, আবার অন্ধকার। আবার ফাঁকা। আবার কুয়াশার কাঁথামুড়ি। আবার দেবদারুণের ঝরা পাতার ওড়াউড়ি।

তারপর যখন উন্মনা ফাল্গুন এসে পড়বে, আবার বাঁধা হবে ছোট একটা প্যান্ডেল — খুব সাদাসিধে। সারা জমিটা জুড়ে পাতা হবে সতরঞ্চি। ডাকের সাজের সিংহাসনের সামনে রাধাকৃষ্ণ যুগলমূর্তিকে প্রণাম করে ব্রাহ্মমূর্তিতে বেহালার ছড়ের টানে, হারমোনিয়ামের চাবির চাপে, খজনীর টোকায়ে আর খেলের বোলে শূন্য হবে লক্ষ লক্ষ কোটি কোটি বার একজপ ‘হরে কৃষ্ণ... হরে রাম...’। সেদিনটা অবশ্যই হতে হবে শিবরাত্রি। সারারাত ধরে পূর্ববঙ্গ পশ্চিমবঙ্গ মিলিয়ে আশু একখানা আদি অক্লিষ্ট বঙ্গদেশ এসে হাজির হবে গোলদীঘির এইখানটায়— নামগানে, উল্লেখ্যনিতে, মালা-চন্দনে। এমনকি ছেদহীন চাম্বশপ্রহরব্যাপী নামসংকীর্ণনের তৃতীয় রাতে যখন শিবরাত্রির জাগরণক্রান্ত বেশিরভাগ শ্রোতা নারীপুরুষই নিজের নিজের বাড়িতে ঘুমোবে, মাত্র কয়েকজন বৃদ্ধি বিধবা আর বড়ো আর উদ্যোক্তাদের দু’চারজন খোঁড়ার নাচ দেখতে দেখতে নাম শুনতে শুনতে তুলে তুলে নিজের অজান্তেই সতরঞ্চির ওপর এলিয়ে পড়বে, যখন সেই গহন রাতে বাসন্তী হাওয়ার টানে বাঁশ আর বেহালা একসুরে কৃষ্ণ অ-অ বলে কেঁদে উঠবে তখন কী মনে হয় জানো— তখন মনে হয় কোন্ সদ্যদূর অতীত থেকে অনাদি অনন্ত বাঙালীর প্রাণের ডাক শহর গ্রাম নদী মাঠ জলা জঙ্গল ভাসিয়ে বয়ে যাচ্ছে কোথা থেকে কোথা। আর সেই অনাদি অনন্তর মাঝখানে তুচ্ছ আমাকে তোলপাড় করছে ‘সর্বমঙ্গলা মঙ্গল্যে শিবো সর্বাধঃ সার্থকঃ... জয়ন্তী মঙ্গলাকালী ভদ্রকালী কপালিনী... হরে মুরারে মধুকৈটভারে গোপাল গোবিন্দ মধুকুন্দ শোরে’। সর্বএক— সব একাকার— সব এক।

জানো তুমি, কিছুদিন আগে আমি ‘ভারততীর্থ’ বলে একটা তীর্থ দর্শনের গাইড বুক কিনেছি। ভারতের সমস্ত তীর্থ সম্বন্ধে নানান খুঁটিনাটি তাতে দেওয়া আছে। খুব ভালো বইটা। সেই বইটার শেষ পাতায় আমি কলম দিয়ে ছোট ছোট করে লিখে নিয়েছি : আমার জন্ম-জন্মান্তরের তীর্থ গোলদীঘির এইখানটা। □